

愚

齋

存

稟

愚齋存彙卷第六十二目錄

電報三十九

晉撫張筱帥來電

北京楊道文駿來電

北京張宮保來電

外務部來電

寄張宮保

寄北京楊道文駿

寄京外務部張宮保鄂端午帥

張宮保來電

寄外務部

張宮保來電

寄江甯黃花農方伯

寄外務部

寄美京梁大臣

又

寄外務部

寄北京外務部商部太原張中丞開封陳中丞

張筱帆中丞來電

外務部來電

寄太原張中丞開封陳中丞

陳小石中丞來電

張筱帥來電

楊道文駿來電

張中丞來電

俄京胡馨吾星使來電

楊彝卿觀察來電

寄江甯魏制台黃藩台

寄美京梁大臣

寄楊道文駿

寄太原張中丞

寄太原張中丞開封陳中丞

寄北京伍侍郎轉交美駐京康使

寄北京伍侍郎

又

又

寄外務部

太原張筱帥來電

外務部來電

北京伍侍郎來電

商部來電

寄開封陳中丞

寄江甯魏制台黃藩台

寄俄京胡大臣

俄京胡大臣來電

江督魏午帥來電

外務部來電

寄外務部

又

又

東京楊星垣星使來電

俄京胡大臣來電

寄胡大臣

又

寄外務部

寄江甯魏午帥武昌端午帥

寄京外務部

愚齋存彙卷第六十二

電報三十九

晉撫張筱帥來電

光緒二十九年十月初四日

沁電謂晉礦宜爭先著深算敬佩弟意此事非空
言所能抵禦必須擇要自辦到官後卽勸導紳商
諭以利害迄無應者庫款更不足語此現仍多方
招致倘有端倪尙須求公贊助設廠一事外部既
允力拒弟亦必照約阻止

北京楊道文駿來電

十月初九日

兩謁香帥以頭痛未見傳諭附片照辦正摺細核

再談過花衣繕遞東豪電已呈閱見伍云樞部香帥均不以緩爲然顧聯云俄並未責問開埠東事因袁道請俄遣散鬍匪俄已允袁於遣前一晚擊殺所遣匪十餘俄以尙在保護期內故怒將二管帶擒去照會將軍限五日撤袁彼交回管帶自辦電部遲復遂踞空署守城此阿督命令雷使與俄外部皆云太過而諉稱權不敵阿現俄調阿回約一禮拜行或將轉圜然袁撤而管帶未交由將軍照阿無復至部駁俄款一本礦本允由我設公司採辦轉售礦距路三十里內歸俄三十里外如照

章亦可辦一松花江碼頭由我自辦一陸路至鐵道由我設棧保護一道勝各分行允派兵駐守一驗疫允照章歸稅司領事會辦用俄醫至今俄無辯論伍現派查案籌辦法云尙無策伍詢內田協助尙無確電慰帥諭勿入京恐涉張皇十二謁邸北京張宮保來電

十月十三日

咨函及草合同均悉添設爐座擴充鐵廠極是預借礦價亦是籌款不得已之計辦法苟無流弊鄙人甚願贊成但細閱合同有必須妥酌者借款三百萬元息六釐每年計利息十八萬元訂明每年

至少收買上等礦石六萬噸每噸價銀三元計價十八萬元僅敷還息又訂明不能還現銀設使日人每年僅運六萬噸三十年後雖已還過五百四十萬元而本銀絲毫未還是日本僅借予我三百萬元永遠須我每年供彼礦石六萬噸雖合同有製鐵所應允竭力多運之語究屬空言殊不足據倘彼不少六萬噸之數便不爲違背合同我亦無詞以責之卽或不然初數年僅敷還息將還本歸在後數年則我亦喫虧利息甚鉅鄙意必須與之訂明每年於所售礦石內帶還本銀若干利隨本

減至少每年收買上等礦石約七萬噸如兼購二等礦石則訂明每年必購足約二十一萬元之礦石務期本利勻攤計至三十年息可還清如須多購礦石至十萬噸除還額定本利外隨給現銀倘因不得已事故我每年不能供足此數則或還現銀或推至下年補運應請酌辦總之務使三十年內彼必有礦石以供製煉三十年後我毫無遺累方爲周妥此節關係緊要必須商改至合同內以得道灣作抵將來是否卽採此山礦石抑採何處礦石函內又添入官山一語竊有未解所謂官山

者是否指前承辦鐵廠時官撥歸商之山抑以後
官另購之山未能明晰祈即查明示復鄙意此次
商借商款宜先採商山之礦商山不足再採從前
承辦時官撥歸商之山倘仍不足必須採及以後
官另購之山則須與官商明辦法或以價買或撥
借款若干歸官方昭平允不然若用官另購諸山
之礦石官儘可自售而借給商用何須假手於商
即使給以股票亦屬虛文無濟若賣官山之礦以
爲商本此事不能行後來湖北督撫斷不能默然
也至此次借款鄙人爲鐵政計自當極力維持然

將來此款如何撥用亦望預先明定章程隨時咨明以免旁人指摘爲安統祈速復

外務部來電

十月十六日

日商訂購大冶礦石前經議有成約此次預借礦價原爲維持鐵廠起見所訂草合同經本部復核尙屬可行希卽與日領訂定咨部立案

寄張宮保

十月二十八日

諫電諒邀鑿鈞意務使三十年內彼必有礦石以備製煉三十年後我毫無遺累至少之數核定七萬噸付息外帶還本盡慮極佩前議草約時日人本請多運卽如

本年已運七萬餘噸因漢治籌計供給日礦外尙須留
備自用故磋減至六萬噸爲至少之數藉敷還息現又
另立附件以十二萬噸爲至多之數逐年拔本卽是慮
到期不能清還之意彼之運數不能無軒輊者因運船
有忙閒之故耳此約雖以不還現款爲宗旨倘至三十
年尙有尾款則草約第七條訂明照數清結註銷合同
清結者卽以現款我付未還之本一經駐銷事便完結
斷無遺累日本製鐵所現祇一爐已運七萬餘噸如四
爐齊開只慮多運礙我自用不能儘多供給至採挖礦
石自應先儘商購之山及官撥歸商之山設有不足後

來或須採及官山屆時擬請商代官挖開除工費外餘
利悉數歸官並由官派員稽查工費自當先行立案日
人處似不便揭破官商字樣慮其藉端逕向官索利權
盡失至借款如何撥充煉冶遵當定章咨明以昭徵信
草約末後一節在宣理應請示在日人則云兩造已經
磋磨至極處一字不能更易宣昨由先塋回滬督率李
維格等覆核合同及另立附件已與元電商改緊要關
鍵不出範圍矣小田切頃來面告病假回國已奉其政
府照准並知我外務部已經核准一月限期已滿請速
簽正約後即須東渡并屬致意尊處迅付回報等語此

事誠如鈞諭爲鐵政籌款不得已之計務求始終維繫
准照草約簽定以免延宕變卦至深感禱祈電復

寄北京楊道文駿

十月二十九日

令兄電已轉交赴閩甚是日本買大冶礦石並允預借
礦價鄂廠藉可添爐鑄鍊實於中國有益無損昨已詳
復香帥諒可釋然今奉部雷屬暫緩自當遵照福公司
力持晉豫製鐵宣擬以條約內地不准設廠駁之英使
謂我爲漢廠私事起見漢廠豈私事耶福公司恃英使
欲在晉豫製鐵晉豫合同前已批准若不趁議鐵路時
稍圖補救不僅晉豫鐵利盡爲英佔此次大冶買礦合

同如果中止聞日本亦必援福公司向中國索一鐵礦
爲自開計矣漢廠從此關門我亦計窮力盡當爲天下
後世所共諒公關心大局請於香帥琴翁前代陳之
寄京外務部張宮保鄂端午帥 十一月初六日

部江電敬悉鈞意刪去礦山運路作保自係爲嚴杜流
弊起見已切實轉商日領據稱商家三五萬款項尙須
的保矧什佰倍蓰於此且指山作保權仍在已非挂名
洋產之比斷難遵刪等語詞甚決絕竊思此項預支礦
價誠如大部銑電張宮保元電爲維持鐵廠籌款不得
已之計歷年與洋商磋商借款不止一次廠礦擔保外

並須侵我辦事之權因是屢議無成日人肯如此遷就者因製鐵所業費官本二千萬元非購鐵製煉不可開議之時本索全治礦山作抵磋商至再始允虛指得道灣商山一座作保其運及運路者祇爲運礦起見別無他意查部定章程洋人准在中國地方買地開礦設執此相爭不必預付鉅款便可購山自辦官商俱困流弊更多卽如福公司因礦及路堅持欲在晉豫內地自行製鐵但求其照約在商埠設廠尙無把握此次日人合同內載明不得在中國境內設爐設廠將所購礦石鑄鍊鋼鐵實已力防流弊兩兩比較大冶合同已極便宜

此與日領商後不能遵刪擔保之原委也官商兩廠一節查廠商承辦時有官撥歸商之山有廠商自購之山如紗帽翅得道灣金山店等處並爲商山現售礦石已遵照張宮保來電之意定議悉取於此設有不足或須採及官購之山屆時商代官挖開取工費外利盡歸官並由官派員稽查目前合同內不必流露官山字樣慮彼藉端向官索山自行開挖將來如果採及官山自必先與官訂辦法此分別官商山產之辦法也鈞意每年六萬噸僅敷遣息應將至少之數酌加總以三十年本息選清爲準等因實爲此合同緊要關鍵足補草議所

未備現又與日領事堅持面議遵照鈞電及張宮保元電至少之數改爲七萬噸該領已電勸製鐵所兩次強勉應允各款磋磨已至極處應請迅賜核復遵照簽定此機一失漢廠機爐舊而且少不能足用顛覆卽在目前官本無可撥商股無可加洋債無可抵數年以來焦頭爛額日夜思維始得此無中生有一綫之生機實屬轉敗爲勝百年之要策鐵政關係製造各國視爲強弱關鍵中土僅此一礦一廠若爲大局計似未便聽其蹉跌也愚昧之見不敢不直陳務求力爲維持鐵政幸甚大局幸甚

張宮保來電 十一月初七日

勘電悉每年運礦石至少之數係爲我還本息計
加多於我有益至多之數係爲預備供足彼爐座
鎔鍊計加多於彼有益既須留備自用十萬噸之
數更不宜再加切要切要前內田公使來商當告
以非將至少之數加至七萬噸每年抽還本須三
十年本利全清鄙人萬不應允昨內田已接其外
部電允於合同載明每年至少運上等礦石七萬
噸想外部亦電小田矣但不願聲明如上等礦石
不敷卽以二三等者補足尊處曾向小田云每年

儘可有上等礦石十萬噸不虞缺乏也此層應否
於合同內聲明應請詳酌內田又云其外部電示
製鐵所經費係每年議定本年難以驟加請另備
照會聲明七萬噸之數須係前合同五年期滿後
起算前合同五年之期計至明年秋間即滿明秋
以前仍以六萬噸爲限云云鄙意不過欲三十年
後不遺後累至官山商山一層乃我自行商辦之
事另行妥酌可也祈與小田將合同更正並將續
訂附件塗銷仍以十萬噸爲至多之限爲禱

寄外務部

十一月初八日

據華俄銀行函稱正太鐵路借票四千萬佛郎克已於西本月十四號全數售出未用之款存外國銀行者給回息二釐五毫按照盧漢借款章程等語查正太合同原訂四千萬佛郎克分爲兩批一爲卽刻承購借票二千二百萬佛郎克一爲續購借票一千八百萬佛郎克其卽刻承購之款用以營造第一段正定至平潭續購之款營造第二段平潭至太原目下開辦第一段其第二段開辦約在兩年後續款籌備過早徒糜利息因與往返力爭該銀行聲稱現在外洋銀市甚緊惟巴黎尙好如兩年後需用時或中國或他國稍有事故票不能

售工不能緩本銀行難任此責語甚堅持查美國粵漢路開工已久票尙未售英國滬甯路亦未售票皆稱泰西看東方時局不定五釐借票甚屬觀望而道勝銀行欲請全售在總公司必須核計兩年存息不能喫虧一面以存款鄭重存息喫虧兩事駁復一面特派柯道鴻年與彼面商如請部示允行其預售借票一千八百萬佛郎克必須分存中國存息亦要五釐以能抵借息爲度茲該銀行已允照一千八百萬佛郎克兩年之內給回息四釐五毫所虧五毫利息統計兩年約銀六萬兩該銀行允於存華之款較盧漢存款多給一釐回息卽

來往帳結回息五釐一年期者給六釐計多收回息足
可相抵惟存款分存中國一節不能放心可否准其所
請恭候鈞核電復

張宮保來電

十一月初九日並致外務部端制台

盛大臣魚電悉前因合同載每年至少運礦石六
萬噸查六萬噸之數其價僅敷還息永遠負累是
以敝處堅持以爲不可當經一面電滬商改一面
與內田公使切商必須每年帶還本項至少運上
等礦石約七萬噸計至三十年本利全清無絲毫
遺累嗣接盛大臣勘電仍未議妥並未允每年運

七萬噸之數但與之訂立附件反將至多之限加至十二萬噸查至少之限係爲我還本息計加多可免後累於我有益至多之限係爲預備供彼爐座熔煉計加多則彼無缺乏之虞於彼甚便如此則操縱仍是在人殊未穩便幸前數日內田飭其參贊來言日本外部來電已勉允照鄙意加至少之數至七萬噸而未提至多之限當於語電電滬請與小田切將合同照改並將附件塗銷仍以十萬噸爲至多之限此時想已達到至官山商山一層先取商山如有不足採及官山商代官挖開除

工費外利盡歸官辦法亦甚平允自可照辦惟此乃我自家商辦之事不宜載入合同至作保一節凡借洋款必須有保若每年所運礦石僅敷還息或恐山爲人佔今已允運至七萬噸則三十年後本利全清雖指山作保似亦無妨況得道灣山係商人所購所開所有山上工廠運路有商造者有官撥與商用者與大局無妨更無窒礙鐵政關係全國富強此次籌款關係鐵政成敗預借礦價逐年以礦石抽還較別項借款尙少流弊茲至少之限已加至七萬噸至多之限仍是十萬噸則此約

並無不安應請大部迅速核准爲幸

寄江甯黃花農方伯

十一月十一日

聞日本勸我靜候彼與俄議俄日專約迄未商妥法則
勸我稍從俄請予俄體面不難了結看來不特中俄未
便開衅俄日或亦未必開仗論理自應迅速調處不宜
專讓他人爲政宣因墓事在鄉感受風寒觸發舊恙現
已小愈承念深感

寄外務部

十一月十二日呂大臣會電

會畫續改稅則事接十月箇電又逾兼旬據賀璧理云
自知照英使已逾四月英久不復即可毋庸再候如必

候英復恐法必不願難免饒舌本擬先與丹瑞發畫唯
查丹瑞稅則悉本法國必須丹瑞與法同日畫押方爲
正辦現丹瑞爲兼辦瑞那領事將次交卸又來催請勢
難久延應請大部再爲催詢英使趕卽照復抑或據情
知照如再不復卽屬默許免致久候之處統祈卓奪示
遵

寄美京梁大臣

十一月十四日

請詢栢除三水外因何事停工所用人員不先知照何
能辭退

又十一月十七日

栢擬第一第三均違合同不能行應堅持第二事權專認美人葛呈帳內有北京辦公等費甚詫異合與人員及其費用應該公司自給我不能認如美違背合同轉與他國人便應作廢事關中美體面栢應全力認定十七款辦事路工斷不能停候復

寄外務部

十一月二十二日

現訂二十四日與哲美森續議遵當以鈞函指示各節爲宗旨一未成之路照正太辦二已成之路應核實減價三運礦及貨客潤價應由總公司酌定礦局只運開礦機器並只運礦質出山尙恐第三端彼必不允哲輒

謂大部已允悉照正太合同告以澤道係我出資爲爾
運礦而設且有已造路須估價迥不同可否請部給一
電以便持示俾知訓條如此免其欲赴京議方能就範
乞速示

寄北京外務部商部太原張中丞開封陳中丞
日

奉部函鈔示福公司晉豫開礦合同第十七款添造分
支鐵道接至幹路不請公款今請我 國家借款一百
五十萬鎊專造澤道支路爲彼運礦是改變原合同之
大者論理應可將原合同之損失較大者藉此修改查

第一款豫撫批准專辦懷慶左右黃河以北各礦晉撫批准專辦孟縣平定州潞安澤州與平陽府屬煤鐵礦所包極廣卽如大冶僅鐵山一小座礦石售與日本能借款三百萬仍歸我自開挖臨城一煤礦比公司肯出紅股三分之一慰帥尙不允以此觀之晉豫平白送與福公司何止數百倍蕞已定之案際此時局殊難翻異只可就款設法補救首款應繪圖請巡撫查明與地方無礙咨明發給憑單准其開採礦地未知該公司是否繪圖貼說先請巡撫查明再給憑單已有幾起二款山西商局豫豐公司稟准自借洋債一千兩三款晉局豫

豐猶得會同辦理六款淨利提二十五分歸 國家餘
歸公司自行分給未知七十五分之內晉局豫公司應
分若干是否另有議據宣擬爲晉豫另索紅股十五萬
鎊彼謂原議所未及其實地主所應得也尤要者標題
有製鐵字樣而條款只言開採宣因製鐵卽須開廠照
條約內地不准製造力與辯論彼總謂宣只有議路之
權不應涉及礦務宣謂爾欲請公款造路是已改動第
十七款矣彼無理可辯只說願赴京議告以旣爲盧漢
枝路我便不能推卸部示不如將此層提開由晉豫兩
省與礦務公司照約訂明不得在內地設廠製鐵一面

在鐵路合同運礦腳價款內聲明專運礦質等因惟製鐵二字如不辦到銷除鐵路專運礦質亦做不到應請兩中丞速與礦務公司將照約不得在內地設廠製鐵一層嚴切訂明方能在運礦腳價款內聲明專運礦質竝請查明晉豫鐵山該公司已繪圖請給憑單租買若干處務望卽在批准界內將鐵礦由官籌款借名華商趕緊收買凡產礦皆屬荒山買價甚賤歸官後不必開辦將來每座無不值價千百萬惟恐兩省無礦師應請兩中丞先通行各州縣出示若無巡撫專札發給憑單官民不准買賣山地一面由商部速派礦師前往勘買

歸官似此辦法即使福公司執合同索開鐵礦亦可由
晉豫分其權利或照大冶按噸索價或照臨城索紅股
或在餘利七十五分內分佔若干並可將設廠製鐵銷
去凡辦交涉必有所挾方能使人就範我若不能就枝
路挾其改礦章惟有自收鐵山足以挾之若再放鬆晉
鐵甲天下富強之本盡屬英人豈僅鄂廠不相敵哉現
訂二十四日與哲美生續議乞速賜核示

張筱帆申丞來電

十一月二十三日

頃據澤州鳳臺縣稟報福公司由豫派洋工師至
縣屬丹洋一帶測量聲稱來春開辦路工等語查

該公司並未照約來省稟明有案且此條支路本指運礦而言應開礦後再議今先貿然勘路違背合同正擬電商阻止適奉電示碩畫精詳感佩之至該公司請 國家借款修路彼先改變合同據理自當另議如照晉局原議巡撫商局自有主權枝路章程亦應另定至礦利紅股雖爲原議所不及然爲地主應得之利又有大冶臨城事例可援求公力爲挽回製鐵有標題無條款弟必按照條約阻其設廠製造並請合力爭持今其界內礦山尙無一處繪圖貼說請給憑單無論路礦均難遽

行開辦現已委員赴鳳臺商阻並電外部阻止我先收買山地一節因籌款不易招商不來屢議未成承示由商部選派礦師當再籌商辦理部示枝路歸總公司得鼎力磋商受益必大弟於此專心知其理而補救無策懇公隨事指示感禱無極又福公司原議祇有義商羅沙第何時添入英商並候查示

外務部來電

十一月二十四日

澤道鐵路作爲盧漢分支實與正太情形不同該路照原議應由福公司自造現在路已興修始議

借款自應將已成之路核實估價以免借款受虧
且該公司爲運礦造路合同內必須聲明只運礦
質及開礦機器以符造路正意並非與正太合同
立異希與哲美森切商並電復

寄太原張中丞開封陳中丞 十一月二十四日

晉帥濛電敬悉聞羅沙第賄華員得合同旋以重價售
與英商不因交涉白送兩省佳礦最爲可歎洋人辦事
處處占先著開礦必先買山尊處尙無請給憑單恐彼
已由教士暗中收買並不遵照合同州縣但知教士買
地而不知其地產礦近來各省皆坐此弊望公迅速嚴

飭州縣凡有礦之地不奉院札不准買賣晉豫兩省佳
礦最多雖無礦師民間亦知大概產礦之山多屬荒地
決非膏腴買價極賤決不難於籌款所難者礦師薪費
需二三萬金然以數萬金費用博千百萬厚利且免將
來多少交涉何樂不爲承公虛衷垂詢用敢直陳請速
電商兩部遲則無可補救

陳小石中丞來電

十一月二十四日

馮電蓋畫周詳良深欽佩豫豐合同標題雖有製
鐵二字條款內並未提及現在該公司請給第一
次憑單屢與磋商將次就緒悉在合同範圍之內

并無設廠製鐵字樣況鐵山大半在晉豫省若先與訂明誠恐憑單未經給發轉覺漫無限制如該公司若照標題製鐵運鐵尚可執定合同條款並此憑單與之辯論礦地由官收買一節自是正辦將來枝路亦歸官後再行設法辦理至豫豐公司爲吳式釗設立有無紅股議據合同未經載及自吳被議後因總署原奏有款係商借商還如有虧折歸公司自理之語是以無人敢接現在枝路改歸官辦自與原件不同藉此與爭紅股亦屬有詞可措全仗大力斡旋豫省同沾利益本月公與哲

美森所議情形如何希電示爲盼

張筱帥來電

十一月二十五日

前晚復電得及會議前達覽否哲美森議若何祈
賜示造路由我借款必我能自辦礦方有益否則
爲彼運礦且爲彼任息非得別項利益似不合算
卓見如何示禁一節已照辦擬爭製鐵而該公司
無人來晉應從何處着筆並求詳示

楊道文駿來電

十一月二十五日

日約本日本在部互換美約改爲我交康使弗交梁
使卽作互換訂期明日然美日如此亟亟必以關

涉東事之故聞日廷已接俄二次回信辦法未定
故秘而不宣如日俄開衅袁主守局外例張主暗
助日本政府欲從袁議而令伍查西例有無似此
成案辦法故亦未定駿謂無兵無餉無械將何暗
助彼在我境內作戰場局外從何守起終須聽客
所爲事後方有辦法頃又聞伍云俄已告各國凡
各國在東三省權利無有減少或謂是俄退讓意
駿謂是俄隱佔意東三省尙非俄有不應作是語
也滬上消息如何乞示

張中丞來電

十一月二十六日

義商合同私售英商論理可不認縱難辦到而喫
虧處與應得紅股即可挾此與爭教士除教堂善
舉不能置私產暗買似亦可禁晉土礦多租開當
照尊示并禁租典惟買山請礦師必先籌款晉力
實窘商部未必有好礦師公意中有人否二十四
日哲議如何并望示復

俄京胡馨吾星使來電

十一月二十六日

聞俄第二次復語尙和平意仍堅持兩皆嚴備兩
皆諱戰恐驟難商定或未遽決裂

楊彝卿觀察來電

十一月二十七日

本日香帥請訓聞初二出京奉 旨顧調商部伍

調外部伍示俄復日五款一日在韓境原有利益
照舊一日在韓境之南可以爲所欲爲一韓之地
內不阻止日本商務惟不得在韓之南固守砲台
一鴨綠江圖們江五十基羅內作爲局外地日俄
均不得築守砲台一東三省事日不得商議惟日
本所有商務利益可以照舊並告各國凡條約所
有利益亦照舊並聞俄使向人言俄已讓到至極
如日要戰卽戰大約早晚開事也伍上條陳俟日
俄定戰照會各公使會議中國防守辦法故調任

外部謹聞

寄江甯魏制台黃藩台 十一月二十八日

昨奉大咨以津鎮鐵路英人已往勘利國驛查利國著名鐵礦前經江甯紳士胡安國集股辦理不善議請敝處接辦嗣因香帥奏請將湖北鐵廠移交敝處無力兼辦利國乃經桂道介紹由胡姓售與廣東候補知府吳惇蔭招商辦理聞吳亦力薄中止昨吳由粵來滬宣因病未見但聞英國覬覦此礦因與嶧縣煤礦相近鐵路一通以煤就鐵無窮之利悉歸英人且將來彼必就鐵製造不特湖北鐵廠受其壓制卽滬蕪製造廠力量亦

愚齋存彙

卷六十二

電報三十九

三

思補樓藏版

難相抵應請查明吳惇蔭接受利國鐵礦案據咨送做處並迅速行令徐州道府查明吳惇蔭現在何處務必設法勒令不准售與洋人如吳守無力自辦卽由做處奏辦之勘礦公司如數籌款發還將此鐵礦暫歸勘礦公司承受以保此礦是不僅爲湖北鐵廠起見實於江南大局稍有關係乞酌裁電復

寄美京梁大臣

十一月二十八日

美比爭權柏究有力抵制否請告美外部責令合與認定十七款中國祇認美國人

寄楊道文駿

十一月二十八日呂大臣會電

洋文約本已寄至通籌加稅免釐摺片清單均係密奏
當時曾奏明聞議約各使頗欲購覓各省實在釐金清
帳甚防洩漏故奉 旨留中誠恐外人探悉就數抵補
不允加至十二五此次日約有酌補幾分字樣其意可
見雖將幾分二字漢文抹去而洋文仍有此意義尤不
可不防現在日約既未定稅數德法等國尙未開議更
防漏洩容俟德約議定後補鈔送部請委婉轉達此事
閣下洞悉原委必能言之成理也

寄太原張中丞 十二月初一日

示禁如能切實辦到礦山由官先得則大權在手大利

亦必在握開廠製鐵亦可有權阻遏所慮彼先得礦地則我落後着權利盡去陳筱帥來電該公司已請給憑單正在磋商恐晉亦不遠矣尊慮買山請礦師須籌款此事弟必幫助晉省前購紗布機器無用何不運滬代售足敷用矣礦師亦可代聘

寄太原張中丞開封陳中丞

十二月初一日

晉豫各電均悉承鼎屬無不盡力惟哲仍執定做處只能議造路借款並無議礦之權然造路借款一經議定兩省礦務權利恐難補救查晉豫合同第二款巡撫批准各借洋債一千萬兩第五款先付官利六釐再提公

積一分所餘淨利提二十五分歸中國 國家是借款
應用多少巡撫應有權核定今運礦枝路另辦借款開
礦是否仍借二千萬巡撫亦應過問晉電承詢該公司
無人來晉應從何處着筆鄙見關涉礦務必須兩省派
員與議哲美森或無推諉山西志道在滬如卽由晉帥
電委志道與哲商議宜必隨時暗助但電委勿提宣請
只說另借公款造路已改原議商務局借款開礦亦應
另議且鐵路與兩省亦有關係特派某道到滬會議仍
隨時電稟本部院酌核等語均參活筆再行相機聞豫
省已派議稅委員在途能否酌派乞豫帥酌示

寄北京伍侍郎轉交美駐京康使 十二月初三日

上年五月貴大臣來電美國合興公司的係美國人無
緣故令其不永爲美國公司等因現柏森士先令葛利
暫時停工據葛面稱係有他國人爭權之故梁大臣電
稱柏難抵制殊出意外果爾不僅違背合同十七款並
與貴大臣前電不符事關兩國體面望速電達貴政府
責令該公司務照合同堅持如柏力不足務請美商有
力者助之或代之以符原約倘合興轉與他國則廢
約之過不在我也

寄北京伍侍郎 十二月初三日

鎮東函稱比與美爭路權柏森士擬美比各分一段辦理弟力持原議只認美公司頃鎮東電復柏難抵制外部稱無權據葛利云如柏勢孤須得美人有財力者方能承當公前謂排吁新東有力川漢難速成請公與排吁面商如得其新公司合辦或能別開比股此事半屬公與弟原議乞速商示

又十二月初三日

葛利接斐倫密電柏森士將讓比人與上年康使來電相背頃致康電請即轉交美廷不干預商務比係交涉極關國政望面與康商如柏力不足能勸排吁新公司

接辦可存體面

又十二月初三日

中土鐵路俄法居多粵漢初議專借美款實爲大局關係嗣聞比人買票無異法款幸公來函電力主美公司不改今柏森士忽願與比合辦非爲力絀卽爲利誘若果如此議者必歸咎我二人弟必力持美合同乞公與康使排吁速商辦

寄外部

十二月初三日

近日法巨領事來談闡通商銀行有他國願來附股但法商在先現法銀行有人來華仍請與法先商且巴黎

銀市最盛如合辦必有益當告以中國僅一通商銀行並無歸併意如願附股須章程合拍方可試商昨奧人滿德來商奧國家願出官股與通商合辦告以並無此意且法商在先奧係國家資本更不便滿云如不願合與亦必自開銀行云

太原張筱帥來電

十二月初四日

東電諸承關助極感頃已照示電委志道商議另囑請示辦法如哲允與議全仗鼎助恐志未深悉利弊又不便電商或借此發端使來晉議似較周妥原借千萬件數不敷續借今既借款造路礦借

自不能多第十七條枝路太無界限尊議務請聲明造澤道一路外原議此條卽作消除不得再索路權行車合同轉運自辦礦產最關緊要兼須聲明不得昂價稽時紅股一節查原稿二十五分之外尙有二十五分歸商局公費及晉豐公司嗣爲總署刪改惟有餘歸公司分給一語公司原有會辦董事照料員紳並有多用華人之款均在應與分給之列雖語意渾含而從此索分紅股卽不能謂原議所無且公積一分亦未指明若干分中之一分此皆可爭之機卓見然否做處示禁必飭切

實辦去礦股現正招徠公可助招若干紗布機器
大半存津承公代售晉商蒙福容再開單送候酌
價運滬又稅釐事並委志道稟商辦法並求核示
爲叩

外務部來電

十二月初五日

通商銀行無論何國均未便附股法領復請合辦
仍希照尊處八月願電原議駁阻並電復

北京伍侍郎來電

十二月初六日

承遠賀感謝江三電均悉致康使電已轉交面商
據稱如合興公司違約是咎由自取經電美外部

請警告該公司又晤排吁據稱如葛利徑電來京
則合辦情形即可商

商部來電

十二月初七日並致太原張中丞開封
陳中丞

上月盛宮保禡電陳中丞敬電張中丞有勘兩電
均悉查河南山西礦務按照原訂合同均係向福
公司借款一千萬兩凡調度礦務開採工程用人
理財各事均派總辦與公司會同辦理自庚子後
兩省礦務停辦福公司以合同訂定在先遂爲自
行開辦之計主權因之盡失查二十七年十一月
開外務部奏晉豫路礦請飭開辦一摺欽奉 上

諭着遴選殷實公正紳商定章妥辦等因欽此現
在兩省籌辦情形若何究竟公司借款曾否借到
若干嗣後能否酌派員紳仍設豫豐晉豐公司一
切按照原訂合同辦理以資鈐束而收主權之處
希速妥籌電復盛宮保與哲美森議索紅股各節
哲詞云何亦希隨時電知再礦地由官收買確係
正辦惟本部現在尙無礦師可派俟物色得人再
行奉達並希察照

寄開封陳中丞 十二月十一日

江蒸電悉照原合同開礦資本由福公司代借千萬足

愚齋存彙

卷六十二

電報三十九

三

思補樓藏版

敷所用豫豐公司重在照約會同辦理須查其實到實
用資本若干礦利若干使 國家實收餘利二十五分
似不必另籌華本張筱帥來電原稿二十五分之外尙
有二十五分歸商局公費及晉豐公司嗣爲總署刪改
惟有餘歸公司分給一語意雖含混從此索分紅股不
能謂原議所無等語鄙見豫豐必宜設立只要略籌數
萬金勘買礦地如福公司需用時可索紅股至公司總
辦韓道最宜總董宜汴人如不願入股以官款作商股
將來獲利必厚弟意中無汴省殷實紳商聞有陳君向
開汴省銀號請物色之

寄江甯魏制台黃藩台 十二月十三日

吳守惇蔭已赴江甯准咨全案吳守接辦利國礦款未
付清所開煤礦亦無成效並未涉及鐵礦外人現在覬
覷鐵礦頗亟惟有先將該處鐵礦收回可否一面由敝
處奏設之勘礦總公司派員帶同礦師前往查明鐵礦
四址或是官地或是民地再行咨商妥辦乞示遵

寄俄京胡大臣 十二月十三日

阿督晤子興願和平商辦而雷使甚拒俄日正相持中
我能否乘機自議密示

俄京胡大臣來電 十二月十四日

和平商辦乃口頭話彼中人皆語和平而意堅執不獨阿也現俄方因日事而集兵更無撤意與議必多要求我愈讓彼愈進一落紙筆更難挽回日事恐難遽定東事恐成宕局宕固可虛而目下與議適便彼乘機挾制尊見如何幸賜教益

江督魏午帥來電 十二月十五日

利國礦初辦本煤鐵並採據稟產鐵者曰鐵山洞山羊山西盤馬山南盤馬山厲家灣山產銅者曰蛇山產煤者曰蔡山界牌夸家莊煉鐵需用石灰火石產自磨山二郎山邵家山需用碎石產自鳳

鳳山龜山均相距不越三五里惟產鉛在鳳冠山
離利國稍遠產鐵諸山鐵石遍布俯拾卽是多維
磁石先後經滬局北洋試驗中含淨鐵六七十分
當時曾據報用官地十三頃三十餘畝歲繳租錢
於道買民地四頃五十餘畝由縣稅契存執嗣因
資本不集先開煤礦今併煤亦停採有此地利亟
應自爲籌辦以杜覬覦而免格閼尊意擬先由勘
礦公司派員帶礦師往查鐵礦四址再商妥辦事
無不可縱產鐵之地該礦局有已購者亦可彼此
妥商且煉鐵須煤卽該煤礦亦宜與吳守等商歸

尊處併辦方妥如吳守來見當令趨商台端至何時派勘並望先期電示以便派員同往並約定會集之處勘後仍望隨時將商籌情形見示爲盼

外務部來電

十二月二十日

英使來照據哲美森詳稱初五會商澤道鐵路事盛大臣謂須先允三端方能詳議一運腳若干由督辦大臣隨意酌定二除礦所需機器等物外不准載運煉過之鐵三若該公司不報効若干股分路價必須減少云係均奉部咨等情查澤道鐵路原議仿照正太現將正太合同內絕無之事敘入

澤道路章是否部咨如此應請明白告知等語尊
處與哲美森商議若何希速詳細電復以便核復
該使

寄外務部 十二月二十一日

哲美森會議節略十二日已郵寄大致以商務鐵路與
礦務鐵路不同且道口已成之路如何核實估價必須
和平商議福公司原訂晉豫合同聲明不請公款今半
道欲請中國擔保借款徒爲福公司便益運礦起見將
來如何拔本付息不能使中國一面喫虧此皆正太所
無又其在京面說此路祇需一百萬鎊現改一百五十

萬鎊較原議多三分之一故應先將三大端商妥一核定借款仍以一百萬鎊爲限前議提取礦務紅股十五萬鎊准卽罷議二澤道運腳須總公司核定不能任福公司貶抑致本利無以批付三礦局運進之物開礦機器及修理廠所需之件運出之貨祇運礦質三端商妥餘可仿照正太商訂哲索閱訓條已將部電抄送哲稱仍須請示英使再定會議後又派道員陳善言往告此係商務允其一直會議下去毋庸再向英使饒舌哲云英使吩咐要稟知他故不能不候英使信查各國鐵路合同總公司奉派會議從無駐使干預故能和平妥速

今福公司事駐使必欲從中作難輒向大部恫喝是不作商務論矣總公司恐難勝會議之任或請仍照晉豫原合同毋庸再借公款或請改派晉豫巡撫與彼續議之處乞鈞奪

又十二月二十一日

據哲美森稱道口至清化鐵路係大成公司包造每一英里需六千鎊購地及福公司用款利息在外宣已派沙多順道往看據稱路極平坦築路極低並無大橋亦無貨客車輛比較盧漢工程減易查盧漢連大橋車站車輛購地一切在內用款約在六千鎊以內是以核實

估價斷難放鬆

又十二月二十一日

頃者美森條復三款甲築路之費願立兩合同一已成
之路由道口至清化借款照福公司實用置本連利息
費用如他路之例倘彼此不愜意擬由福公司請人公
斷二未成之路由清化至道口必須估價借款如正太
一樣先立草約候查探礦產方定興築乙運腳價由督
辦大臣會同福公司定一公道之價與別路參訂福公
司按華人牌價照付不能加多丙車路運鐵事開礦合
同第十七款有轉運該省煤鐵字樣故不能立不准運

鐵之約福公司能否製鐵另是一事若福公司無權製鐵則合同無庸寫不准載運字樣若福公司有權製鐵則鐵路應准其載運照福公司現在意思本有製鐵之權毫無疑義但此係另一事屆時商酌定奪等語第一築費公斷自應彼此請人難在中國無工程師必須請他國人方免偏袒二運腳以他路比較只要我能核定雖不能抬高或不致貶抑三運鐵在此合同註定只准運礦質及開礦機器本屬事後補救彼所辯雖有理然過此以往恐更無商酌若一允准正太必效尤晉鐵甲於地球英法並舉利害甚大竊願大部堅持福公司平

空所得礦利已極宏遠晉豫合同係屬商務非由交涉其合同標題謂章程條列於左而各條並無製鐵字樣但云轉運煤鐵仍是生貨非是熟貨總以條約爲準斷不能因標題混入二字違背各國條約中英交睦英亦何必作俑可否請大部與薩使言之以杜後患

東京楊星垣使來電

十二月二十二日

日廷因俄復延宕恐中緩兵計擬先發制人風聲甚緊

俄京胡大臣

十二月二十四日

請轉外務部養電告俄日撤使到否旅順已開戰

我自處果何策盼示陸線恐阻以後遞海線請兼
轉慰帥并懇隨時電消息乞復

寄胡大臣

十二月二十五日

敬電已轉我守局外一籌莫展

寄胡大臣

十二月二十八日

外務部沁電日俄失和 朝廷以兩國均係友邦重念
鄰好奉 上諭按局外中立之例辦理業經通行各省
一律遵守並嚴飭彈壓地面保護商教盛京興京爲

陵寢宮殿所在責成該將軍敬謹守護該三省城池
衙署民命財產兩國均不得損傷原有之中國兵隊彼

此各不相犯遼河以西俄已退兵之地由北洋大臣派
兵駐紮各省及沿邊內外蒙古均按照局外中立例辦
理兩國兵隊勿稍侵越倘闖入界內中國自當攔阻不
得視爲失和惟滿洲地方尙有未經退兵之地中國力
有未逮恐難實行局外中立之例東三省疆土權利無
論兩國勝負仍歸中國自主不得佔據除照會駐京各
使外希向外務部切實聲明爲要謹轉

寄外務部

十二月二十八日

滿洲地方恐難實行局外中立之例想爲土匪立說似
稍未圓如照會未發應否說明土匪字樣以杜將來口

實乞鈞酌並速電知胡大臣

寄江甯魏午帥武昌端午帥

十二月二十九日

濟電旅順平壤同時開戰俄敗奉省電郵均難發

寄京外務部

十二月二十九日

俄京胡大臣艷電稱外務部感沁電均照譯面交外部
並剴切申說據稱中國恪守局外俄決不侵越惟東三
省及蒙古東北隅鐵路所經爲運兵用兵要地勢難認
爲局外須與兵部阿列商定界限再復云此聞一切消
息梗阻祕密稽察甚嚴探訪殊難電報亦多壓攔幸常
賜電等語謹聞

愚齋存藁卷六十二